



## KOMUNIKADO PA PRENSA

*Fecha*  
27 di novèmber 2015

*Kontakto*  
Kabinèt Minister VVRP

### **KÒRSOU KU ATENSHON SPESIAL PA PROTEKSHON DI TERA I KOSTA** MINISTER CAMELIA-RÖMER DEN DELIBERASHON KU KLM TAMBE

**Willemstad** – Riba djarason 25 di novèmber, Minister Suzy Camelia-Römer a bishitá Oosterschelde pa haña un mihó bista di e proyekto di Deltawerken i haña mas splikashon rondó di e proyekto di awa gigantesko na Zeeland.

Manera ta konosí, Minister Camelia-Römer tin atenshon spesial pa protekshon di tera i kosta di Kòrsou i ta di opinion ku e ekspertisio grandi ku Hulanda tin riba e tereno akí, kual nan a demonstrá rònt Mundu - di Merka te ku China - lo ta benefisioso pa Kòrsou tambe.

Minister Camelia-Römer a bishitá e Flight Operations Center di KLM na Schiphol tambe pa palabrá ku KLM riba eventual uso di e radar nobo ku Servisio Meteorológiko a kuminsá usa for di sèptèmber 2015, pa su biahenan pa i den e teritorio di Karibe.

Pa mas informashon di tur e desaroyonan rondó di Minister Camelia-Römer su akshonnan por bishitá e pagina di facebook “Minister Suzy Camelia-Romer” i pa desaroyo di e proyektonan di infrastruktura, por bishitá [www.oloshiii.com](http://www.oloshiii.com)